

327

Er Pagure

تذکیرہ حضرت خواجہ محمد شریف بزرگوار پور

بسم اللہ خیر الاسماء  
 الحمد للہ رب العالمین والعاقبة للمتین والصلوة  
 والسلام علی رسولہ و آلہ وصحابہ اجمعین **اما بعد**  
 راویار انداغ روایت قیلور لار کیم اول زبده العارفین  
 وقدوة الماکین بندہ لطیف حضرت خواجہ محمد شریف  
 بزرگوار نیک احوال داوصا فلارینی انداغ بیلیک سلیمان  
 کلنور و بدور لار کیم بیتمه یاشاریدا اتالار وفات بولوب  
 حضرت خواجہ بزرگوار بیتمه قالد انالاری بار ایدی  
 اینک خدمتیده بولدی انداغک بدم و بر لحظ والذولاری  
 نیک خدمتیدین تقصیر قیلارک ایدی انالار ملکیت کا  
 بر دیلار جرح ایکریب آزادلیق پنجشلیک برریب  
 او قوتور ایدی وقتیکه اون یا شوق کریب سواد لاری

خوب

خوب چقیب عقل لاری بر کمال بولدی قضا را انا  
 لاری وفات بولوب حضرت پیر نیک بیتمه لیک لاری  
 دخی ہم زیاده بولدی پیرشان احوال آچ زارا و قوب  
 یورور ایر دیلار موزیک اسیدانچه زمان او توب کتی برکون  
 آچ زار یغلاب اولتورور ایر دیلار بر مر دکلان کر سیلام  
 قیلیب ایر دیلار ای فرزند پیرشان بولما غیل و بیتمه لیکنکده  
 غم یا کیل خدابره بولغیل بوسایر ام دین سمر قندغ بار غیل  
 ایشینگ انده کشایش تبار مقصود و نغوتیارسن  
 بیزیم سنیک مددینکده بولور مزیدیب غایب بولدی  
 حضرت خواجہ بزرگوار بوسرنه کوروب منکا غیبت  
 ارواح مشایخ لار نیک مددکار لقی بار او خشاید و رب  
 فکر و اندیشه قیلیب اتالاری نیک مزایغ بار رب  
 قنوب توجه قیلیب یا تیب ایدی ناکا تو شیده



اتا لاری بشارت بریب ایتم ای فزندان اول مرد کلانک  
سکا هر سره دیب ایدی بلا توقف انکا عمل قیلغای سن  
محنت و مشقت و ریاضت ز او زونک لارم توتقنا  
سن تا سمرقند غبار غونچه علم و مجاهده ز ترک قیلغای سن  
تا که ارواح طیار لار سنکار همون بولور لار نیزیم مدد کارینک  
بولغایمیز دیب غایب بولدی حضرت بزرگوار اویقو  
لارین بیدار بولوب بولور کان توشلار کاتولا شو حال  
بولوب بار یوقلا زینی مساقیب اتا انالار نینک حقیقه  
آب آتش قیلیب غریب غر بامکن لار غه بریب  
دعا و تکیه قیلیب بولغان دین کین سمرقند غروان  
بولدی لار نچند کونده سمرقند غه کلدیلار کون کچ بولوب اهل  
بازار لار دکانلار زینی ایتیب یاندیلار کوجیه ده بیچ کیش  
قالدی حضرت پیر حیران باقیب قیان بار سنلارم  
بولور

بولور ایلمین دیب تورغانید اعسس لار پیدا بولوب  
فریاد قیلدی لار کیم مسافر و مجاور بولانک اوزونکنی  
یقاقه الغیل حضرت بزرگوار نینک بویرده بیچ شنالاری  
یوق ایدی و بیچ بیر فی بیلماس ایدی ناچار بر مسجد کا  
بار دیلار مؤزین کلیب ای برادر قیونک شته بریر کا باریب  
یا تینک مسجد نینک بساط یقیب کیتادوردیدر حضرت  
خواج بزرگوار ایتیلار ای برادر من دو ذایمک اوزوم  
طالب علم دور من شهر کا حلی کلدیم کون کچ بولدی  
بیچ بیر فی بیلمایدور من خدانیک سینی پناه تارقیب  
کیریم مؤزین ایتی مسافر بولانک هر سره کیر ایتکنی  
منکا بریب ارتکانده الغیل دیدی حضرت بزرگوار  
هم هر سره سینی مؤزین کا بر دیلار مؤزین مسجد نینک  
ایشیکنغ اقیب کت حضرت بزرگوار تنها مسجد ده

قوندیلار تانک آتقونچ خدای تعالی غناله و زاری طاعت  
و عبادت قلیب اولتوردیلار سحرده مؤذن کلیب مسجد  
نیک ایشیکنی اچیب ازان او قودی تمام جماعه کلیب  
نماز و تادیلا حضرت بزرگوار نه کوردیلار که بر مسافرلیکت  
اولتورادور امام سوزدیکه ای یکت قایدین بولور سیز  
و نه یردین کلور سیز حضرت پیر ایتیلار کیم سیرام دین بولور من  
اتا نام دین کچیک قالدیم از برای تحصیل علم بودیار غه جقیب  
کلیمه مسافر دور من پیچ برینه بیلا من و بیچک شین تنغ و من  
بویرده کون کچ بولدی ناچار مسجدده قوندوم دیدیلار  
امام ایدیکم ای یکت میرا اولوغ بیک نیک مدرسه پیغ  
باریب اولوغ آخونغه احوالینکیز بیان قیلینک شاید که  
بر حجه تعین قلیب برورنده توروب او قور سیز کاهه  
بزرنگ او یومیزی سوراب کلکای سیز دیب تکلیف

سمر قند

سمر قند قلیب تار قاب کتیلار حضرت بزرگوار انده باریب  
اخوند نیک ایشیکده اولتوردی وقت درس بولور ایش  
اخوند اطلانیب مدرسه کایوردی حضرت بزرگوار  
باریب اخوند غه سلام قلیب تور دیلار اخوند حضرت  
بزرگوار نه کوروب جواب سلام بریب سوز دیلار کیم  
ای یکت نه ایشقم کلدینکیز و کم نیک فرزندی بولور سیز  
دیددی حضرت بزرگوار احوال لارینی اخونغم بر تبر تبر  
قیل دیلار اخوند حضرت بزرگوار غه بر حجه تعین قلیب  
بردی حضرت بزرگوار حجه نی پاکینه سپوردیلار اما هیچ  
نمر لاری یوق ایردی که اسباب حجه قیلغایلار اما  
حضرت بزرگوار شکسته لیکنی ایستاب بر گهنده بوریا  
بر فحوق ابریق بر فحوق خدشت تابیتلار اوبدان یوب  
حجه غه سالیب کچ بولسه باشلار یغ قیوب یتار



ایر دیلار هر کونجه قییب اخونین درس آلور ایر دیلار  
کچه اویج حصه قیلیب اولوق حصه ده کتاب مطالعه  
قیلور ایر دیلار ایکنجی حصه ده طاعت عبادت قیلور ایر دیلار  
او چونجی حصه ده قرآن تلاوت قیلور ایر دیلار علم نیک  
ذوق شوقیده بیچ نغمه یاس و ایچکاس ایر دیلار اشته هالده  
کلیب جوع غالب کلمه بیچ نغمه یلمای نفس لاریکا کوشمال  
بریب خدا یقوالی غم شکر ایتم صبر و قناعت نه اوزلار  
بیسته ایلاب مدت او توزیل مدرسه تحصیل علم  
قیل دیلار اچلیق نهایتی غالب کلمه آشغز لیک الدیفه  
باریب توروب بوی طعام دماغلاریغ کلمه اندک قوت  
تاقیبینه حجه لازیم گیر ایر دیلار ناکاه اون تورت کچه  
کونده زهر لقمه طعام یمای اصلا مقدر لاری قالمادی کچه  
تون یاری بار ایر دیلار برکنیزک بر طبقه آتش بر تو قوز

نان ا کلیب بزرگوار نیک آلدید ا قوی دیلار بزرگوار سولیم  
سن کیم نیک خدی بولور سن اول کنیزک ایتم من خوجه  
مسعود سوداگر نیک خادمی بولور من خواجم سفده ایری  
اغاچام نیک توشیده بشارت بریب دور شول زمان  
قیوب بومحاضرنه تیار قیلیب حجه نه نشا بردی کلیب  
تایتم دیدی بزرگوار تمام ذوقلاری بیله یر دیلار کنیزک کایم  
بر دیلار دعا و تکیه قیلغاندین کین کنیزک باریب بزرگوار  
نیک احوال لارینی آغاچه سیغه بیان قیلدی آغاچه سی  
تورت کونده بوش کونده می اضربای لذیذ تیار لاب  
ایبار و ایردی قضا را بر کون بزرگوار کتاب مطالعه  
قیلیب اولتور و ایردی اشیک تاشیدین آطوشی  
کلدی حضرت بزرگوار باشلارینی کورتاریب بو قشیده  
نه کشته بولغانیکله آط بیله مدرسه کاکریب دور دیب توروب

ایدی بر آواز کلید که ای ملا محمد شریف بویان چیقینک  
حضرت بزرگوار ساچراب چیقینک کوردیلار که ایگی  
بزرگوار تورادور لار بر لاری قراقاشق ارغوماق اطغ  
منیب دور بر لاری قراقاشق منیب دور پشته  
لاریدین نور الهی اورلاب تورادور خواجه بزرگوار  
سلام تیلیدیلار بولار سلام لار یغعلیک الیب سوردیلار  
ای ملا محمد شریف بارمانک اچانک رحمت سیز کا  
نه مقدار محنت و مشقت لار تارنگه خواجه بزرگوار  
ایتیلار که ای بزرگوار لاریم فقیر سیچ قایسارینی  
تنوبایلادیم قایرین کیاور لار اور لاری کم بولور لار  
بویز رککار نینگ بر لاری ایتیلار کم من سلطان ستوق  
بغراخان غازی بولور من بوکته خوجه احمد سیوی  
ترور دیلار حضرت سلطان ستوق بغراخان غازی  
ایتیلار که

ایتیلار که ای او غلام ملا محمد شریف او بونگده که تعلق قولکنی  
خدا غتا پیشور غمیل قولونکنی سونغیل و کوزونکنی  
یومغیل دیب ارقر لاریغ مینکا شتوروب یولغ  
روان بولدیلار کوزیموب اچقونچ سمر قندنگ  
سرخجام دیکان صحرایی بار ایردی سمر قند دین  
او چگونلوک بیراق ایردی دشت بیابان ناشلیق  
بر کونلوک برده بیچ درخت و صولی عمارت یوق ایردی  
اولیر کایتیب ایردی بولار ایردی ای خواجه محمد شریف  
کوزونکنی اچغیل ویر کا قوشکیل حضرت سلطان  
ستوق بغراخان غازی قیونلاریدین بر نان و بر جایل  
الیب بریب ایدیلار کم ای ملا محمد شریف منی ایستاسیا  
کاشق غبارینک بوکشین ایستاسیا نیکتر کستانغ  
بارینک دیب هر لاری کون غایب بولدی حضرت



خواجہ بزرگوار حیران و سرگردان نہ کون منزل  
و مراحل لاری طی قلیب سمرقند غنہ کلیب شوکا  
کریب جہ غنہ کلا لار اولکونی جادین چیقاندا  
اشیک لاری نیک برقبوغی اوچوق قالیب ایردی  
شونداغ تورادور بزرگوار نیک قورساقلاری  
اچ سفر جابدوغی قیلخالی حیران بولوب توروب  
ایردی نیشول سوداگر نیک خاتونی برطبق ده  
آتش بریوقچہ سروپای بش یوز نیک فل الیب  
کلیب الدیلاریدا قوبدی بزرگوار فاتحہ او قوب  
ایردی ای بیبہ او زلاری کم نیک کوچی بولور لار  
دیردی بیبہ ایردی خوجہ مسعود نیک خاتونی  
بولور من دیدی بزرگوار رحمت او قودیلار بیبہ  
فاتحہ الیب او بیکیا ندی بزرگوار بو محاضرنی  
یارانلاری بیبہ

یارانلاری بیلہ تناول قیلالی دیب مدرسہ ده کی یارانلارنی  
قچقر دیلار حجره لاری تنیک ایردی طالبلار سیغادی  
اولوقت حضرت بزرگوار تامنه اشارت قیلدیلار  
اوی کنگر و ب یارانلار بیه سیغدی لار اب طعام یب  
بولغاندین کین یارانلار تار قاشتیلار بزرگوار  
سروپای نی مسایتب برایشا ک الدیلار عطار بق  
جابدوقینی راسلاب قالغان نذر نی مدرسہ کس  
یارانلار غنہ تقیم قیلیب بر دیلار ہم خلق بزرگوار نیک  
کرامات لاری بیگدی لار بر کتابدین بر نوع مسئله  
ور تقسم بحث و مناظره الدیلار یغہ توشسہ بزرگوار  
بر بریکانچہ جواب شیخ دلیل بر دیلار یارانلار ایسیلا  
ای بزرگوار قیان باروز لار مو شیخ عالم بولغاندا  
قاییسہ مدرسہ نی خواہیلار اولقوروب

درس ایستاقه مشغول بولسونلار یارانلار او زلاریدین  
 نفع آسونلار بزرگوار ایستلار که منکابوای سفر تو مشوبدور  
 قالغان مقصود و منی سفرده تا بغایمن دیب خیر باد  
 قلیب یولفوروان بولدیلار بر جایغ کلب فکر اندیشه  
 قیلدیلا اول قیس بزرگوارنی ایستاب بارسام بولور  
 ایلین دیب توروب ایردی کونکلاری کاشغور فیکا  
 میلان قیلا دور نماز شام وقتی بار ایردی کاشغور فیکا  
 روان بولدیلار شهر بشهر ایلا نیب کاشغور کلدیلار  
 کون کچ بولوی بر سر ایدا قنوب ارته سه سر ایاندین  
 سلطان استوق بغراخان غازی نیک مرقدلارینمی  
 سوردیلار سر ایان مشهد ن نشان بردی بزرگوار  
 مشهد کاباردیلار بر بامی نیک کیده قوندیلار ارته سی  
 بایزین سوردی بامی بر تاشلیق یرنه کور سانی حضرت  
 ۱۲۰۰ بزرگوار

حضرت بزرگوار اوچ کون اول یرده متوجه بولوب اولتوردیلار  
 اوچونچ کچسی روبرولاریدین سلطان استوق بغراخان  
 غازی پیدا بولوب کلدیلار بزرگوار کوردیلار کم سمرقنده کورکان  
 بزرگوار ایگان حضرت سلطان استوق بغراخان غازی  
 سوردیکم ای محمد شریفی موندله نیمه قلیب اولتورالیز حضرت  
 پیر ایستلار کم ای بزرگوار عالم حضرتلاری منکاب تارت برب  
 احوالین سورا بکتیلار مبارک قدملارینمی ایستاب کلیم  
 جمال پرنورلاریغ شتاق دورین حضرت سلطان استوق  
 بغراخان غازی اینیکم ای ملا محمد شریف رحمت نیر کابیز نیک  
 امید عزیز سمن شونداغ ایردی خوب کلدیلار ای ملا محمد شریف  
 بیز نیک منزلیمز شو یرده دیب غایب بولدی ایر حضرت  
 پیر نچ وقت لاریغچه سوداگر چیلک و عطار لریق قیلدیلا کچ بولوب  
 کلب حضرت سلطان نیک مرقدلاریده تانک انقونچ



حضرت سلطان بیله صحبت قلیلیب اولتور و رایردیلار  
ارته سی بای نیک کیده کیلور ایردی بای کونکلیده ایتیکیم بولمکت  
کیچ بول چقیب کینا دور قیمان بارورونه ایش قیلور اکیین  
دیب حضرت پیر آرقه لاری دین آهسته آهسته ماراب یوردی  
کوردیکم حضرت سلطان نیک مرقه لاریغ باردی بای هم  
حضرت پیر نیک آرقه لاریده ماراب اولتوردی حضرت پیر  
مونین یخبر توجبه ده اولتور و رایردی ناکا حضرت سلطان  
ستوق بغراخان غازی فید بولوب کلیب غضب بیله  
ایتیلار کیم ای محمد شریف نیک بزر نیک ارامیزغ مغرب مشرق  
ارسیچ بر اقلیق توشته تاباریب طواف قیلغونچک دیدار میسر  
بولاس خوجا بزرگوار بولمقولنی ایشیب خروش ناله و زاری  
قلیلیب ایدیلار کیم ای پادشاه عالم مندرین نومه و خطایق اوقی  
ایکین دیب التجا کلدیلار حضرت سلطان ایتیلار کیم ای

محمد شریف  
مکدر

محمد شریف اوزونک بیله بزرغازنی الیب کلدینک خوجا بزرگوار  
ارقه سیغ باقره لار ای کامی بای بولکوب اولتور و بوردی  
حضرت بزرگوار در غضب بولوب ایتیلار کیم ای مکار  
اوزونککاهیم قیلدینک منکاهیم قیلدینک دیدیلار با بولاساردین  
بیخبر اولتور و بایردی فشیمان بولوب خجالدین عذر  
تقصیر قیوب یغلاب دیدیکم ای بزرگوار بیله ابدور من  
خطا قلیلیب دور من دیب بزرگوار نه ای اغلا یغور قیلدیلار خوجا  
بزرگوار ایتیلار کیم ایمدی بیچ فایدا سی یوقدور بوسر نی زنه مار  
کشیکا فاش قیلغای سن فیه غمکه بارماقور خصت بولدی  
دیب اول بای نیک کیده کلیب باینی حضرت سلطان  
نیک مزار یغ جاروبکش لیک کا تعین قیلدیت ایتیلار کیم ای بای  
سندین بولکنا تا حضرت سلطان نیک مزار یغ خدمت  
قیلغونچک بولماس دیب هندوستان یول یغ روانه

بولدی مثل و مراحل لاری طی قبلیب نچند کونده بندر  
صور تکا کلدیلار کوردیلار کیم منک بش یوز اطلاق کیشته از پی  
کیه کاکیر کودک بولوب تور و بدور خواجه بزرگوار یتیب کلدیلار  
قافله کا سلام قیلدیلار و بولار بیله کلیب کیم کا اولتور دیلار قافله  
حضرت بزرگوارنی کوروب تمام قیلدیلار که عجب پرست  
قیلند رایگان حضرت بزرگوار انچه محنت و ریاضت لار  
چکتیکه که بولسه نماز و ذکر تسبیح بیله کوندوز بولونه تلاوت  
قران بیله بز نفس نیم ذکر الله دین خالی و تکر مس ایدی کیم ایلی  
نذر و نیاز لارینی حضرت بزرگوار غم برور ایدی ناکا برون  
بوران عظیم چیقستی و کیم لار بر بریکا تکلیب قافله دین غم بوی چیقستی  
و بوران کیمنی الیب یوردی قافله جان و همیدین ناله و زاری  
لار قبلیب پر قیملای نذر و نیاز اکلیب حضرت بزرگوار  
الدیار قیوب التجا قیلور ایدی اقا بیچ کیشته نیک استجاب  
بولادی

بولادی ناکا هوا آچیلدی کوردیلار کیم کیم کویا یا دین چیقنک  
او قدک تیز کتیب بارادور مونی کوروب همه فریاد و فغاننی  
فلک کا چیقار دیلار و بر بر لار دین بحیل لیک تیلاشتیلار اضر  
همه لاری بزرگوار نیک ایا غلار یغمه بقیلیب یالبار دیلار کیم  
یا بزرگوار بر دعا قیلدیلار شایه که دعا لاری نیک برکات دین  
بو هلاکت دین خلاص بولغای ایدر دوک حضرت پیر باشلارینی  
آچیب قول لارینی کوتاریب یغلاب بو مناجات اؤتور دیلار

بیارب یارب ای شبنم داران : باه ناله و ایدواران  
بیالین غریبان بر سر راه : چو تسلیمی اسیران در تکاب  
باه دیدۀ طفلان معصوم : بسوزی سینۀ پیراهن ظلم  
باه بردل پر خونم آورد : ازین کرداب غم بیرونم آورد  
دیب دعائی تمام قیلدیلار ایمان کیم باریب کردابغ  
توشته اولنومان مسلمانلار بو حالنی کوروب



خوش ناله وزاری قلیب پهبوش بولدیلار مدت  
قرق کون اوتی قافلہ نیک ناله وزاری سیغہ کو باغیر  
قیامت بولدی خواجہ بزرگواریم متحیر بولوب باشلاری  
توبن سالیب نمازغ مشغول بولدیلار اول ساعت  
بر قری کهنه سال کتہ بار ایردی دیدیکم من سیرلار کا  
بر مصلحت کورستای پوخلایق مونی اشیتیب  
خوشحال بولدیلار کاشکے بر علاج قلیب بوبلادین  
خلاص تاپالی دیدیلار اول پیر مرد ایتمک من اتا بابا مدین  
اشیتیب ایردی که مبادا کیم کر دا بغه تو ششمه بر کتہ  
جانینی نثار قلیب میل اسکندر کا چقیب طبل نے  
قاقه کر دا بدالی چونک بلیق قورغالیب اولار  
نیکم کتیدین کیم کر دا بدین چیقار بولاب بولک علاجی  
یوق اما میل اسکندر نیک باشید ایز زنجیر بار پیر کیم  
توتایدیب

12  
توتایدیب کیم لبیکا باره دریاغ تو شوب هلاک بولور  
دیدمی مسلمانیلار مونی انکلاب فریاد فغانلار  
قوپاردی حضرت بزرگوار کور دیکم کیم داکمی مسلمانیلار  
نیک حوالی تنک بولوبور بزرگوار اورونلار دیدین  
قیوب اییدیلار کیم ای مسلمانیلار جانمنی سیرلار اوچون  
فدا قیلای عام نیک نفعی اوچون ضرر خاص جانیز دور  
شاید که خراوند تبارک و تعالی خلاصلیق بر عجب  
ایرس گوب کتہ نیک اولکان فیدین بر کتہ اولکانی  
بهار اقدور دیب دعاغ قول کوتار یب کیم لبیکا کلید  
زنجیر نے کور دیلار کیم آدم بوییدین خیله بلند تورادور  
کوزلارینی یکوب یا پیریم دیب قول اوزاتیب  
سکر یب ایکنیز اورلاب زنجیرنی تتوب کوزلارینی  
اچتیلار اوزلارینی میل اسکندر کا کور دیلار خراوند

تعالیٰ غم خدا ایستب یکی رکعت نماز شکرانه ادا  
قید یار خلا یقلا حضرت پیر فی میل اسکندر اوستیده  
گوردیلار حضرت بزرگوار غم رحمت او قوب تحسین  
وافین قیدیلار حضرت بزرگوار قول لاریغ طبل حویلی  
الیب حضرت خواجه کایناتغ درود نه پایه ایستب طبل  
سوقتی اول وقت کیم داکیلار زلزله کا کلده یار حضرت  
پیر طبل فی اوج تورت نوبت سو قوب ایدیلار گوردیلار  
نهنگ لار قوز غالیب و اوینا شیب چققیلار اولار  
حرکاتیدین کیم گوردیلار چققیب یوردیلار خلا یقلا اولوم  
و عیدین خلاص بولدیلار نجه بیل بولغان گوردیلار  
توشکان خلا یقلا رنیک اوستخو انلا دی هم کناره کا  
حقیقه حضرت بزرگوار میل اسکندر اوستیده تنهها  
قالدی خلا یقو جنان خوشحال بولدیلار که گویا ینگی

اولور

اولوب تریلکاندک حق سبحانه و تعالیٰ غم شکر ثنالار  
ایستب دیدیلار که مشول بزرگوار نیک مددی بزل بیلار  
گوردیلارین خلاص تا پیتوق اوزی هم خلاص بولغای ایدی  
هم مال و جانمیر غم فدای قیلغای ایدر دوک دیب زار زار یغالیب  
حضرت پیر نیک حقیقه نذر صدقات قیلیب دعا و طلب  
بیله مانکیب گیتیلار خواجه بزرگوار میل اسکندر اوستیده اوج  
کون توروب قالدی یار هر طرفکا باقتیلار سو دین اوز کانسه  
گورادیلار خاطر لاریغ اولوم دین اوزکا بیج غم سهیمای ناچا  
قضای الهی غم تن بریب کوز لاریکا یا ش الیب در دناک  
چکیب اسمان فواقیب بیخود بولوب یقیدیلار بر  
کین اوز لاریکا کلیب در کا الهی غم التجا کلتوروب  
بومنا جا مستغی او قودیلار  
مقصود سن سن ای خدا پیچود سن سن ای خدا



مسجود سن ای خدا ❖ سن سن منکافریا درس  
 سن سن اللهم ای خدا ❖ سن سن گواهم ای خدا  
 سن سن پناهم ای خدا ❖ سن سن منکافریا درس  
 عاصی قلو نکلدور من فقیر ❖ چافی قلو نکلدور من حقیر  
 نفس ایلیکیده بولدورم سیر ❖ سن سن منکافریا درس  
 ای رازق حی قدیم ❖ عفو ایلا کای سن ای کریم  
 حاجت را قبل ای کریم ❖ سن سن منکافریا درس  
 بجد قلیب دور من کناه ❖ هر دم قلیب فریاد آه  
 محشر کونی نام سیا ❖ سن سن منکافریا درس  
 گریان بولو عین ای خدا ❖ بر این بولو عین ای خدا  
 چیران بولو عین ای خدا ❖ سن سن منکافریا درس  
 بویونک تا بسبب وقت حشر ❖ تار تارم کو یونکلد آه لار  
 یوردوم بولو نکلدور بدر ❖ سن سن منکافریا درس

ابدال مسکن بیقرار ❖ غمگین بولوب حیران زار  
 فرقده یغلاب زار زار ❖ سن سن منکافریا درس  
 دیب دعانی تمام قیلیشلاری ایمان ارقلارین آط  
 داوشه کلدی خواجہ بنر کووار کووردیلار کیم حضرت سلطان  
 ستوق بغراخان غازی سونیک یوزیدین گرد اورا تیب  
 کیلا دور حضرت سلطان ایستیلاری خوجہ محمد شریفی قوتچانک  
 قولینکیزه منکا برینک کوزینکیزه میونک دیب خواجہ بنر کووار  
 نیک قول لاریدین تتوب اطعمه میندوردیلارین برفر صتدین  
 کین او از کلدی کیم کوزونکنی آج کوزلارینی اچتیلار اوزلارینی  
 دریا نیک اول یانیدر کوردیلار حضرت سلطان ایستیلاری  
 محمد شریفی بارمانک حالینکیز بار بنر لارنه دیب مونچہ محنت  
 و مشقتلار تار سینکیز دیب قیونلاریدین بر آرفه نانی الیب  
 بردیلار وایدیلار کیم اوشبو کاروان کلکونچہ قرق کون

شعبه سوره ساقلاب اولتورونک بوتاغ نیک ایتا کیده  
برایما خلق بارشولار دین اغراحی بغیب قیونک دیب  
غایب بولدیلار حضرت بزرگوار قرق کون فخر هر طرف دین  
اغراحی تیلاب دریا لیده ساقلاب اولتور دیلار قرق کون  
بولوب ایردی دریا دین اواز کلدیکم هیچ بر بنده خدا بار موکم  
بیزلارنی تار تیب الغای حضرت بزرگوار موئی اشیتب  
یکوروب کلید کوردیکم کیم دریا کناره سیکا کلید دور  
خواجیه بزرگوار موئی کوروب اغراحی ییلارنی اولاب سالدیلار  
کیم بیله تمام خلایقی تار تیب الدیلار خلاقیلار کوردیلار کیم  
اولکونی میل اسکندر کا چیقیب شویره قالغان بزرگ  
شو دور هر حیران قالیب بزرگوار نیک ای اغلار بغی قلیب  
مال جانلارنی نشا قیلدیلار وایدیلار یا بزرگوار هر همو مینر  
حفر تار کابنده فرمان بردار دور مینر خواجیه بزرگوار دیدیلار کیم  
ای بنده خدا

ای بنده خدا اور بر جانم بارا کچه منیک جانم بولسه هر سیزلار  
او چون فدای قیلغانین اجر یعنی خدا دین تیلکا کاین الی الله سیزلار  
بیله سلامت کوروش شوق دیب بولار نیک هیچ نرسینی  
آلمای مکه مکر مکاروان بولدیلار کایتکو نچا انداغ شهوت  
تاپتیلار که تشار زمین دین بر بزرگوار کلید کوردا بغه  
توشکان کیم فی شول بزرگوار میل اسکندر کا چیقیب کیم  
برله نچ منیک نیل قالغان خلق نیک استخوانلارنی کوردا دین  
چیقاریب دور اوزی میل اسکندر اوستیده تنها قالیب کیم  
دریا دین چیقار حمله هر نیک الی دیا کلید کیم دلکی خلاقیق تار تیب  
الیب دور اهل کاروان هر مال اموالینی نشا قلیب ایکان هیچ  
برنی اماما دور دیب انکلاب اولدیلار بغه فوج فوج خلاقیق لار  
کلید استقبال قلیب یا نور ایردی اولکونی شریفی مکه کوه  
عرفا تده دعا قیلدیلار حاجیلار باش یلانک ایاغ یلانک



احرام بیلہ آمین دیب تور دیلار شریف مکہ اول مقدار دعا قیلدیم  
کون کچ بولدی دعا مستجاب بولمادی باتغدین اواز کلدیکم  
ای شریف بودعا خوج محمد شریف مو قوفدورتا اول کلیب  
دعا قیلدیم کچ مستجاب بولماس شریف مکہ تاغ باشیدا توروب  
ندا قیلدیم ایها الناس بیلینکار واکا بولونکار بودعا خوج محمد  
شریف کاهو قوب ایکان حضرت خوج محمد شریف کایتیکار  
در محل کلیب دعا قیلدیم ویدی کچ اوقی تا نکلاسی حجاج خوج  
محمد شریفی باشلارید کوناریب کوه عرفاتغه الیب چیقیتلا  
شریف مکہ تیوه دین توشتی خوج بزرگوار احرام بیلہ تیوه  
اوستیده یغلاب تور دیلار شریف مکہ باشلیق بزم خلاق  
نالوزاری قیلیب آمین دیب تورغانیدا خوج بزرگوار  
بم خبردار بولوب تور دیلار بشولن زمان آواز کلدیکم دعا  
مستجاب بولدی دیب خوج بزرگوار دعائی تمام

قیلیب

قیلیب توشتی بزم حاجیلار کلیب بزرگوار نه مبارکباد لایق  
قیلدیلار اندین یانیب مکته نولوا ف قیلدیلار حاجیلار بزم  
اوز وطنلاریغه یانیدیلار بزمونچ خلق بزرگوار بیل جناب حضرت  
صلی اللہ علیہ وسلم نیک روضه متبرکلاریغه یوردیلار اون کونده  
مدینه منوره کایتیلار زیارت قبره شریف صلی اللہ علیہ وسلم  
قیلدیلار انحضرت حضرت خوج محمد شریف غبشارت بردیلار کم  
ای خوج محمد شریف بزنیکه بزنیکه ایتا دور شو نداغ قیلغاییز  
بزنیک رضا الیقین خدائیک رضا الیقید وریب رخصت  
بردیلار خوج بزرگوار قافلہ بیلہ خیر باد قیلد شیب بند صورت  
بندستانغه کلیب او بزمین کنجوت بیلد داوغه چیقیتلار  
کوردیلار کم بوکننده کچ اویلوک جماعه بارایکان کون نماز  
پشین بولوب دور طهارت الیب نماز اوتا دیلار بزم  
خلق خوج بزمی کوروب پرسشن قیلدیلار بزم سلاهی

بقدر حال محاضرات و قتیق الیب کلدیلار بر قیسینی  
برار شوگوم قیلیب خلافتی بزدیلار کیچیشونده قوندی وقت  
سحر اواج طیبه کامتوچه بولدیلار و برولاریدن بر عزیز  
چقیب کلیب خواجه بزرگوار غسلام قیلیب ایستلارای  
محمد شریف خوب کلدینگز اواج بیل بولوبدور موند یقیب  
ایردیم بجم عالم غفتوا برور ایردیم قضا را بر فتوانی غلط  
قیلیب دور من شونیک مکافاتیم کوزوم نیک چناقدین  
بر توپ آرخان اونوبدور هر بار که شمال چیق آرخان  
تبره جانیم آزار تا پادور نه بولغا یکه شول آرخانی کورودین  
یولوب الیب منی خلاص قیلیب انیکیز دیب غایب  
بولدیلار ایرتسه خواجه بزرگوار گشتین اواج تورت  
آدم بیلیم بل کتمن الیب کلیب بویرنه کورلایدیب تورار  
ایردی بیر ایکاسی منظوم کلیب فنیک بیر یعنی نیمه  
اوچون

اوچون کورلایسزلار دیب فریاد قیلدی بزرگوار ایستلار که ای  
کچیرینک بوزوله توانینی برالی دیدیلار اول زماندا عبد  
رشیدخان شکار غه چقیب ایردی بو منظوم باریب  
دادخوالیق قیلدی عبد رشیدخان بریسا و لنی بویرادی  
اول کلیب خواجه بزرگوار غه تعدی قیلدی بزرگوار غضب  
بیلر باقتی اول وقت یسا و لنی آط الیب اوروب قولی  
سندی یسا و ل کلیب خانقا ایتمی خان یینه بریسا و لنی  
بویرادی اول یسا و ل بیزاقدین اطلیدین توشوب کلیب  
تعظیم واکرام بیلر توروب دیدیکم عبد رشیدخان دعا ایلادی  
باریب سورغیل قایدین کلیب دور بو منظوم نیکیری  
نه اوچون کورلایدور خواجه بزرگوار دیدیلار کم مکدین کلیم  
بویرده قوندوم قدیم زماندا بر عزیز کلیب بویرده یا تیب  
ایکان اهل عالم کا فتوا برور ایکان بناگابز فتوا دا غلط



کتیب دور شو نیک سپیدین اونک کوزی نیک چنا قیدین  
بر آرخان اونوب دور هر بار که شمال چیقہ آرخان  
تبرسه اول بزرگوار غه آزاریتا دور او جهیدین کور لایدورن  
دیب تورغان همان لحدیر بلیب آرخان ظاهر بولدی  
پوم خلیق کوریلار بزرگوار تو شوب آرخان نمی بیلدیندی  
بر اقوما ریب آدیلا ریب اول کلیب واقوعه خان غه  
عرض قیلدی عبدالرشید خان کلیب بزرگوار غه سلام  
قیلدی وعذر قصیر قویدیلار خواجسته بزرگوار کوراشالی  
دیب قول اوزاتی عبدالرشید خان تعظیم بیلد اوچالارینی  
توقی ایلکولن بر بر لاریدین پرسشتن حال قیلدیلار بر کچه  
کوندوز صحت بولدیلا عبدالرشید خان بزرگوار نیک  
احوال لارینی بیلدیلار تمام وزرا کا بر اشرفلار بیلد  
مشایست قیلیب اییلارای بکلار شوموز بزرگوار غه  
قول

قول بریب ارادت قیلا لی دنیا داپاد شاه و گداغه برین  
لازم و گنه عرصات قیامتده احوالی دشوار بولغوسیدور  
بو قدر بزرگوار نیک کاینه بر موجود بولماقی محال دور پومیز  
درست اعتقاد بیلد بولماقی تا ناکا قیامت کونی  
حضرت محمد مصطفی صلی الله علیه وسلم آدیلا ریدایوزومیز  
بلند بولوب علم لواء الحمد نیک تکیده سایه دار بولومیز  
دیب بیکبار بویونلار غه اعرافی سالیب توبه واستغفار  
قیلیب قول بر دیلار خواجسته بزرگوار بر کچه بند نصیحت لار  
قیلیب پیرمید نیک اراسیده اکی لازم آمده ایشلارنی  
تعلیم بر دیلار خلیق لار خواجسته بزرگوار بیلد صحت توتیلار  
بر کچه کوندین کین بزرگوار خانقاه راست قیلا قچی  
بولدی اوستاد لارنی الیب کلیب شروع قیلدیلار  
بر کچه کوندین کین خانقاه راست بولدیلا ر شیخ

وچاروبکش و پاره خوانار تعین قلیب بش تغار لبق  
یر الیب وقف قیلدیلار عبد رشید خان خواجہ بزرگوارنی  
شهر کا تکلیف قیلدیلار وایدیلار کم ایعدی شهر کا بار ساق  
صحرائیک گردغبار لارینی یوساق خواجہ بزرگوار خوب  
بولغا یریب اطلانیب خان بیلہ شهر کا کلکو خجہ قار علیق  
موضعیکا یتیلار گوردیلار کم یر کنت اراسیغ بر دشت  
توشوبور خواجہ بزرگوار ایتیلار کم عجب یرایکان بر  
قصیحہ اتاک بولور ایدی حلی وقت تنک بر خانقا  
انکایمن دیب کلیب توشیتیلار بزرگوار بیلہ نچند حافظ  
وصوفیلار بار ایدی چالہ بالچیق الیب بر دیلار تورت تام  
سال دیلار خان سور دیکم یر نہ بولس بزرگابور سولار  
بزاتاک دیدی بزرگوار دیدیکم بر خانقا سالادور  
عبد رشید خان باشغین یر کنته و کچیک لشکر  
بر بولور

بر بولوب خانقا یتیلار قیلدیلار ایرتہ سے کور سے قلیب  
اولکونہ ینہ پوتکار دیلار علی ہذا القیاس بش نوبت  
ایتیلار قیلدیلار بشخی کونی حضرت بزرگوار من بر توجہ  
قیلای واقعہ نیمہ ایکین دیب کچہ توجہ قیلدیلار گوردیلار کم  
بر آق تیوہ فید بولدی کیفیتی بیلہ تامنی اورادی بزرگوار  
در حال باریب تیوہ نیک آذینی توسوب بانک اور دیلار کم  
ای تیوہ نہ جان سن اوزونکنی ظاہر قیل اول تیوہ در حال  
اصلیکا کلیب آدم بولوب حضرت بزرگوار غرہ سلام  
قلیب ایدیلار کم ای خواجہ محمد شریف من اوزوم شهر بوز  
دین بولور من بویرده کلیب منزل قلیب یتیب ایردیم  
یانچده بر کافر نہ قویدیلار بوینیدا بر آدچہ چیون بتی بار  
انیک اوستیدہ بر کوف آلتون بار شو نیک توفہ سیکا  
بو تامنی سال دینکن اول جہتیدین اصلا یتالما یدور من



بزرگوار سوردیلار گیم ای عزیز اتلاری نمه ایکین  
بو عزیز اتیم ملا نشا محو دیور موزی دیب غالب  
بولدیلار بزرگوار ایتیه سه تام نیک تکینی کورلا نکلار  
دیب کور ساقی عبدالرشید خان سوردی بو تام نیک  
تکینی نه او چون کور لایدور بزرگوار کیم که واقعه  
بیان قیلدی تامنه کور لاب باقره کافر نیک سخونی  
بیلیم بریت یانید ابر کوف التون چیقستی بوز دوروب  
بر چونک داش قزان اتوروب خانقاغ وقف  
قیلدیلار شیخ جاروبکش تعین قیلیب قویدیلار  
انزین عبدالرشید خان بزرگوار غا اوج کون  
مجلس بر دیلار صحبت عظیم بولدی قالغا شکر  
ایلی بزرگوار نیک تعریفلارینی آنگلاب نذر نیاز الیب  
کلیم بزرگوار غه مرید بولدیلار بزرگوار عبدالرشید  
خانزین

خانزین رخصت تیلاب ای دیلار گیم بار یب پیریمینی  
زیارت قیلیب کیلایدیپ عبدالرشید خان بیلیم  
بکلار بیلیم چیقیب بزرگوار لوک پیغچه اوز اتیب یان دیلار  
بزرگوار ایکی قنوب مشهد کا بار یب حضرت سلطانی  
زیارت اتیلار اول وقت کاشقونیک اکابر شرفلاری  
عبدالرشید خان نیک مرید بولغانلارینی اشیتیب  
اولوغ کچیک هم لاری کلیم حضرت بزرگوار غه مرید  
بولدیلار بزرگوار یتیم ییل پیرلاری نیک مرقدلار ید  
شیخ بولوب اولتوروب کلکان نیاز و نذر اتینی  
خانقاغ غه صرف قیلیب تربیت مریدان غه مشغول  
بولدیلار و بر مسجد بنا قیلدیلار یرووقف قیلیب شیخ  
جاروبکش تعین قیلیب اوزلاری بر طرفه درس  
اور کا تیلار عبدالرشید خان هم ییلد ایکی اوج مراتبه

کلیب حضرت پیر و حضرت سلطاننی زیارت قلیب  
تور دیلار خواجہ محمد شریف بزرگوار نیک کراماتلار دین  
مشهد نیک اطراف دین سو حقیقت پنجد کنتلار  
اباد بولد عبد رشید خان بوا بادی بولغان کنتلار نام  
حضرت سلطانغ و قوق قیلدی یار اولگونلارده کاشقرده  
عبد رشید خان نیک اوغلی عبد لطیف خان تورده ایردی  
اولنوماندایم قرغیزلار قراتکین ده ایردی شهر نیک  
قراسینی کورمه س ایردی اولوغ اصیل بکلار بار ایردی  
قرغیز دین قاضیلیق قلیب زکوات عشرتقار لیق  
نرسه لانی الور ایردی قرغیز نیک کوچی تیماس ایردی  
اولگونلارده عبد رشید خان باشلیق جمیع بکلار نیک  
شیتی توزوک ایردی اسلام قوتلیک ایردی قرغیزلار  
پرنه لاز عیلق لارینی و ندر نیاز لارینی الیب کلیب برور ایردی

باریده

۲۱  
هر سیده مسجد و مدرسه بار بولسه شولار غمخبر برور ایردی  
قضا و بریل خبر بولدیکه قرغیزلار سید ابرادورغان لازیم  
لیقتارینی بر ما یور کلکالی هم اونا ما یور دیب عبد  
لطیف خان اولکونده برنجه بکلار سیده شکار غصیقتی  
شکار قیلاقیلا قرغیزلار نیک جایغیمیتی قرغیزلار قاجتی  
عبد لطیف خان تمام لشکر بره کلیب قرغیزلار نیک بلا  
بارقه لارینی اسیر قلیب آدی یار هر کشته نه مقدار مال  
وغیمت آدی یار عبد لطیف خان بر اولوغ قرغیز نیک قرینی  
آدی یار شول مندرده همه لاری پنجد کون عیش عشرت  
قیلدیلار ناکاه قرغیزلار کچه ده بولارنی غافیل تاپیب  
تولا کشته شهید قیلدی یار عبد لطیف خان هم شهید  
بولدی یار بر مونجه کشته قاجیب باریب کاشقرده کلدی یار  
انین یار کند کالدی یار عبد رشید خان غمخبر بولدی خان



پیرشان احوال بولوب لشکر بیوردیلار اوزلاری  
مشهد کاباریب حضرت بزرگوار غه غذرو تقصیر قیوب  
احوال لارینی بیان قیدیلار مصلحت قیدیلار کم قرغین غه  
تلانور مغویا یوقون بزرگوار ایدیلار کم بوایش اولیاء الله دار  
نیک مددی برلر بولورتا اولار دین رخصت بولما غونجه من  
رخصت برلر لایدور من اول ارواح مشایخلار غه متوتبه  
بولالی اولار قیداغک بویرا سه شونداغ قیلالی دیدیلار عشور  
آی نیک اونونجه کچمسی عبدالرشید خان حضرت بزرگوار  
بیل حضرت یوسف قادر خان غازی مزارلاریغه کزدیلار  
کوردیلار کم حضرت خضر علیه السلام حضرت بلال حضرت  
ویس قرنا و حضرت شیخ حسن بصری و حضرت سلطان  
ستوق بغرا خان غازی و حضرت سید ارسلان خان  
و حضرت شیخ جنید بغدادی و حضرت شیخ نجم الدین کبری  
و همز

حضرت امیر کبیر میر سید علی همدانی و حضرت شیخ علوم  
بسطامی قدس الله تعالی اسرار هم بولیدار ظاهر بولیدیلار  
و هم لاری عبدالرشید خان غه رخصت بر دیلار و حضرت  
خضر علیه السلام ایتیلار که من بیلکه بارای حضرت سلطان  
ستوق بغرا خان غازی ایتیلار بیز نیک ارامیزده یوسف  
قادر خان غازی یاردور وینه هم لاری بارماچی بولیدیلار  
وینه اتفاق بیل حضرت شیخ علوم بسطامی نایبارماچی  
بولیدیلار آندین چیقیب جمیع ارواح مشایخلار حضرت  
سلطان ارسلان خان پادشاه هم نیک مزار یغمه  
بار دیلار اولار هم اوزلارینی ظاهر قیلیب بر قلیچ عبدالرشید  
خان غه بر دیلار وینه اوچالارینی اوچ مرآتیه سیلاب  
قویدیلار بار بیز قرغین لار نیک باشینی کسبیر  
برلر یک ان قیلغیل دیب فاتحه بر دیلار عبدالرشید

خان تمام لشکر لاری بیله اطلانیب یوردیلار قیرغیزلارنی  
اسیغ کولده تاپتیلار بیکرم کون جنگ بولدی حضرت  
بزرگوار بیکرم کون فچه ارواح مشایخلار غم متوجه بولدیلار  
اخرا لامر بویران مشایخلار نیک مددی ببرله قیرغیزلارنی قتل  
عام قیلدیلار بیکرم کیشنی تریک توتوب الدیلار الیک کیشنی  
قاچیب دور عبد رشید خان فتح نصرت تاپیب شهر کا  
یانیب کلدیلار اسیر الغانلار دین اون قیرغیزنی چهار سوغ  
استیلار عبد رشید خان یار کند کا یا ناقچه بولدی حضرت  
بزرگوار قاشلار یغمه کیریب ایدیلار یا بزرگوار ایمی دی  
بیله یا ناق قالغان عمر ویزی حضرتلاری نیک خدمتلا ری  
اوتکار ساک یار کند خلقیغهم فیض بیکور لار دیب بزرگوارنی  
یار کند کالیب کلدیلار عبد رشید خان اور داغ توشته  
بزرگوار میشار بقا سیدکی منزل لاریغ توشته عبد رشید  
خان

خان بزرگوار بش وقت نمازنی بزرگوار بیله ادا قیلدیلار  
حضرت بزرگوار کاچی شهرنی کاچی صحرائنی سیر قلیب  
پرسیده غریب بولغان بزرگوار بولسه وعیزنلار دین  
بولسه تاپیب متوجه بولوب توغ علم باغلا  
مزار اتلار قلیب شیخ چاروبکش قیوب اوتار ایدیلار  
علی بندا القیاس سیر قیلا قیلا داور غم کلدیلار مزار غم  
فاتحه او قودیلار اطرافینی تمام کوردیلار که عجب خوش  
هوا ایرانیکان بزرگوار ایدیلار که نشویده بر قصبه چاتساک  
کنت خلقی بیزلار نیک بلا بار قمیز قهار باز بولوب بوز لو  
کیتا دور دیب او نامادی بزرگوار ایدیلار که تیللا کانتیکنی  
تا بقای سن دیب اطلانیب خانقاه غم کلیب کوردیکم  
نچند اویلوک خلق کلیب اولتور و بدور نذر نیاز الیب  
کلیب بزرگوار غم کور و نوش قیلدیلار حضرت بزرگوار



ایتیار کم ای مسلمانان شویده بر قصبچه ای تادور من ندوینار  
خایق ایتیار بیزلاریم منندار ترور میز بجان دل خدمت  
قیلور میز اقا سوبی یوق ترور بزرگوار دیدیلار کم عنایت  
الهی بولسه سویم کیلور دیب میرنه احاطه قیلیب  
کورساتی کنت خلقی مورچ الیب کتیلار ایرته سیکاسفیل  
مقدیر بولدیلار بزرگوار اطلانیب سوباشیغ بار دیلار  
دعا و تکبیر قیلیب عصا لاری بیله میرنه جزیب کلدیلار  
عصا نیک جزیقی برل بر قه لبق سویتیب کلدی بازار  
نیک ایچی برل او تکازیب قویدی بوسودین نه مقدار  
کنتار آباد بولدی اوچ بیلده سفیل تیار بولدی هر طرفین  
کاسب لار و دیقانلار کلیب اولتور دیلار دوشنبه کونی  
بازار قیلیدیلار حضرت بزرگوار نچند بلوری قل الیب  
هر قیسنی بر نه کاشا کرد بر دیلار بزرگوار کاتب آزاد

قیلیب

قیلیب خانقاه جابوش قیلیدیلار عبد رشید خان  
بزرگوار نیک بو قیلغان کار بار لار منی انکلاب نهایتی  
خوشحال بولدیلار بزرگوار هر وقتکه نذر نیاز کلمه  
فقیر فقر اطلب العلم مستحق لاری یغیب اولاشتور  
برور ایر دیلار خانقاه دین هیچ وقت آب آتش کیم  
بو لباس ایردی حضرت بزرگوار او شبوطر یقه برل عمر لارینی  
یار کنده او تکازیب تو قسان بش یا شقه یتیلار  
بر کچه تون یاری بار ایردی بزرگوار قرآن او قوب  
اولتور ایردی اثنای قراءتده شبوایت کلدی کل  
نفس ذائقه الموت او قوشلاری رحمان غیب دین آواز  
کلدی کیم ای ملا محمد شریفی هر زیجا نیکه بود نیاعه کلیب دور  
اولوم شریسته ذاتای قیلماس عاقیل اولدور کیم  
اوزینی پاک قیلیب اولوم پیراغینی قیلیب تورغای

حضرت بزرگوار بومرثه دلسوزنی ایشیتیب آه سرد  
از دل پر در تار تیار انکاغچه وقت نماز بولدی طهارت  
قیلیب خانقاه غم چیتیار جمعیت تولا کلید و نماز  
اوتاب فارغ بولوب تلاوت قران قیلدیلا بزرگوار  
ایدیلا رکیمی یارانلار یلیکلار و آگاه بولونکلار بزرگوار  
نوبت سفر عمریقین بولوبدور دیب کنکر و آب  
آش قیلیب بر دیلار بوخبره جمیع خلایق لارا ایشیتیب  
زار زار یغلاشتیلار عبدرشیدخان هم تابعلاری بلر آب  
آش بریب بولغاندین کین بزرگوار نصیحت کاتیل  
اچیب ایدیلا رکم زینهار شر بعدین قایتا کلکار امر معروفه  
کوکل قیونکلار و نهی منکر دین یانینکلار بر بزرگوار غه  
رحم شفقت قیلینکلار همه ایشدار اسلیقی بییش  
قیلینکلار صلوات خمسده سهولت قیلما کلکار حتی  
بوزلار

بوایشلار سبب نجات اخروی بولغوسیدور خدایتعالی هم  
راضی بولغای جناب حضرت صلی اللہ علیہ وسلم  
خوشنود بولغای من هم راضی بولغای من دیب  
بتمام صحراوشهر خلقیغین نصیحت قیلیب بحیل  
لیک قیلدیلا غسلا یقار ناله و فریاد لارینی فلک کایکلار  
کو یا که قیامت قیوم بولدی خلایق اوز لارینی کبوتر  
مثل لیک بزرگوار نیک ایاغسلار یغلاشتیب توبه و تقصیر  
قیلیب استغفار ایتیلار بزرگوار همه لاری نیک توفیق  
و هدایت لاریکا دعا قیلدیلا رعبدرشیدخان اورندین  
قیوب دعا و تعظیم لار قیلیب سوزدیلا رکم پانیز بزرگوار لاری  
دین کین سجاده لاریا کیم اولتورور و کیم دین استغفار اولتور  
حضرت بزرگوار بویور و دیلا رکم مندرین کین اورنومه سجاده  
مجدولی صوفی اولتوسون توبه و استغفار اوزکامشکل



لارینگار بول شون دین سور غایب لاری اول دعا قیل سو  
من هم دعا قیلای دیب آخرت جابه لارینی راست  
قیلدیلار ایل عیال لاری و مرد مخلصلاری و تمام خادم لاری  
بر لرجیل لیک قیلایشیب قیوب حجره کرب بور یار الدیلار  
والدی لاری ایداصحنی قیوب تلاوت تکماشغول بولدیلار  
بوایت کریمه کلدیکم قالوا ان الله وانا الیه راجعون  
دیوب مرغ جانلاری لامکانغ پیروان قیلدی جسم پاکلاری  
بوریا دایوز لاری قران قویغان رحیلدا تو تشویب  
قالدی لار حضرت محمد ولی صوفی بر عبد رشید خان  
کریب کلدیلار شواجم بزرگوارنه پورا حواله کوروب  
خایقار غایب عالم بر دیلار اولوغ کچیک هم لاری عزا  
و ماتم تو قوب کربان لارینی چاک چاک ایتیب چنان  
یغدا دیلار کیم بولار نیک ناله سیکا آسمان زمین نر زده کا  
کلدی

کلدی خلیقار هم بهوش بولدیلار ماتم دین فارغ بولوب  
بزرگوار نیک جسد لارینی یوب جامه آخر تکا یورکاب  
نماز لارینی او تاب میشار یقاسیدکی منزل لاریده  
دفن قیلدی لار او چونجی کونی آب اش لارینی بریب محمد  
ولی صوفیغ اطاعت قیلدی لار اول ییل تاریخه بر نیک  
بر یوز یتیمیش ایردی عبد رشید خان مادامیکه حیات  
ایردی هر کونی کلیم بزرگوار نیک مرقد لاریغ دعا  
تکیر قیلیم مرید لیق شرطینی کما حق ادا قیلدی هر  
چهار شنبه کیم سی کلیم قنوب تلاوت قران  
قیلیم یا نور ایردی اول جهت دین قرب ولایت تاقیب  
اولیا لیق دفتریکا الیندی لار الهی توفیق رفیق عطا  
قیلیم پر کامل نصیب روزی قیلغای سن آمین

تمت تمام

تاریخ میلادی ۱۹۱۵ تاریخ قمری ۱۲۹۳ شمسی

تاریخ قمری ۱۳۲۳ ماه جمادی الاول سنک

یکم توفیق حمل سنک ۱۸ اون سنکزی پنجشنبه کونی

تذکره بزرگوارنی ملا عبد القادر یار کندی پتیب

تمام قیامات

*[Faint, mostly illegible handwritten text in the lower right section of the page]*